



ქობულეთის მუნიციპალიტეტის საკრებულო

გ ა ნ კ ა რ გ უ ლ ე ბ ა N40

2021 წლის 30 ივლისი

ქ. ქობულეთი

ქობულეთის მუნიციპალიტეტის ახალგაზრდობის განვითარების

სტრატეგია 2021-2023 დამტკიცების შესახებ

საქართველოს ორგანული კანონის „ადგილობრივი თვითმმართველობის კოდექსის“ 16-ე მუხლის მე-3, მე-4 პუნქტებისა და ქობულეთის მუნიციპალიტეტის მერის 2021 წლის 21 მაისის №01-14/5549 მომართვის შესაბამისად:

- 1.დამტკიცდეს ქობულეთის მუნიციპალიტეტის ახალგაზრდობის განვითარების სტრატეგია 2021-2023, თანახმად თანართისა;
2. კონტროლი განკარგულების შესრულებაზე დაევალოს ქობულეთის მუნიციპალიტეტის საკრებულოს განათლების, მეცნიერების, კულტურის, სპორტისა და ტურიზმის საკითხთა კომისიის თავმჯდომარეს (ლ.შაქარიშვილი);
3. განკარგულება შეიძლება გასაჩივრდეს ერთი თვის ვადაში ბათუმის საქალაქო სასამართლოში (მის: ქ. ბათუმი, ზუბალაშვილის ქ.N30);
4. განკარგულება ძალაშია ხელმოწერისთანავე.

საკრებულოს თავმჯდომარის
მოვალეობის შემსრულებელი



ნ.თხილაიშვილი

ქობულეთის მუნიციპალიტეტის ახალგაზრდობის განვითარების სტრატეგია

2021-2023

1. შესავალი

„ქობულეთის მუნიციპალიტეტის ახალგაზრდობის განვითარების სტრატეგიის“ (შემდგომში „სტრატეგია“) მიზანია, მხარი დაუჭიროს მუნიციპალიტეტში მცხოვრები 14-29 წლის ახალგაზრდების წინაშე არსებული გამოწვევებისა და სირთულეების დაძლევის და ისეთი გარემოს შექმნას, რომელიც ხელს უწყობს ახალგაზრდების განვითარებასა და კეთილდღეობას. ის განსაზღვრავს მუნიციპალიტეტის ხედვას, საქმიანობის პრიორიტეტულ მიმართულებებს, სერვისების, პროგრამებისა და ღონისძიებების დაგეგმვასა და მიწოდებას და შედეგებს, რომლებიც მიღწეულ უნდა იქნას მომდევნო 3 წლის განმავლობაში. სტრატეგიის მიზნების წარმატებით განხორციელებისთვის ასევე მნიშვნელოვანია, რომ მასში გათვალისწინებული რესურსები, სერვისები და პროგრამები ფოკუსირებული იყოს ბავშვებზეც სასკოლო ასაკიდან.

„ახალგაზრდობა არის საზოგადოების მნიშვნელოვანი სეგმენტი, რომელსაც ქვეყნის სოციალურ-ეკონომიკურ განვითარებაში წვლილის შეტანის დიდი პოტენციალი აქვს. ამ პოტენციალის სრულად რეალიზებისთვის აუცილებელია, სახელმწიფომ შექმნას სათანადო პირობები, მყისიერად უპასუხოს ახალგაზრდების წინაშე არსებულ გამოწვევებს, განახორციელოს თანამიმდევრული, საჯარო და ინტეგრირებული სახელმწიფო ახალგაზრდული პოლიტიკა ახალგაზრდებისთვის და ახალგაზრდებთან ერთად. აღნიშნული პოლიტიკა უნდა ეფუძნებოდეს ადამიანის უფლებების, გენდერული თანასწორობისა და გარემოს დაცვის პრინციპებს. მნიშვნელოვანია, ახალგაზრდები, როგორც საზოგადოების სრულფასოვანი წევრები, აქტიურად ჩაერთონ და მონაწილეობა მიიღონ საზოგადოებრივი ცხოვრების ყველა სფეროში, რათა წვლილი შეიტანონ ქვეყნის განვითარებაში.“¹

ხელისუფლების ადგილობრივ ორგანოებს, როგორც ახალგაზრდებთან ყველაზე დაახლოებულ ინსტიტუტებს, განსაკუთრებული როლი ენიჭებათ ახალგაზრდულ პოლიტიკაში. ის ახალგაზრდები, რომლებიც ცხოვრობენ მუნიციპალიტეტებში, უმეტესწილად ხელისუფლების ადგილობრივ ორგანოებთან ურთიერთქმედებენ. არსებობს ბევრი ისეთი სერვისიც, რომლის კონტროლს ან განხორციელებას ადგილობრივი ხელისუფლების ორგანოები უზრუნველყოფენ. სტრატეგია ემსახურება მუნიციპალიტეტის მერიის მიერ ახალგაზრდული საქმიანობის წარმატებით განხორციელებას და ახალგაზრდული პოლიტიკის ეფექტურად მართვას.

2. ზოგადი ინფორმაცია

ქობულეთის მუნიციპალიტეტი მდებარეობს აჭარის ავტონომიური რესპუბლიკის ტერიტორიაზე. მის შემადგენლობაში შედის 51 დასახლებული პუნქტი (1 ქალაქი, 2 დაბა და 48 სოფელი), რომლებიც 21 ადმინისტრაციულ ერთეულად არის დაყოფილი:

¹ 2020–2030 წლებისთვის საქართველოს ახალგაზრდული პოლიტიკის კონცეფცია (ახალგაზრდებისთვის, ახალგაზრდებთან ერთად და ახალგაზრდების მიერ)

- 1) ქალაქი ქობულეთი;
- 2) დაბა ოჩხამური - ოჩხამური, ცეცხლაური, ჯიხანჯური;
- 3) დაბა ჩაქვი - ჩაქვი, ბუკნარი, სახალვაშო;
- 4) ალამბარი - ალამბარი, ზედა კონდიდი;
- 5) აჭყვისთავი;
- 6) ბობოყვათი - ბობოყვათი, ქვედა დაგვა;
- 7) გვარა - გვარა, ქვედა კონდიდი;
- 8) დაგვა;
- 9) ზენითი;
- 10) კვირიკე - კვირიკე, ზედა კვირიკე, ქვედა კვირიკე;
- 11) ლეღვა - ლეღვა, სკურა, ცხრაფონა;
- 12) მუხაესტატე;
- 13) საჩინო - საჩინო, ზედა აჭყვა, ქვედა აჭყვა;
- 14) ქაქუთი - ქაქუთი, აჭი, გოგმაჩაური, ნაცხავატევი;
- 15) სოფელი ქობულეთი - სოფელი ქობულეთი, ზედა სამება, კოხი;
- 16) ჩაისუბანი;
- 17) ციხისძირი - ციხისძირი, სტაკინისუბანი, შუაღელე;
- 18) წყავროკა;
- 19) ჭახათი - ჭახათი, დიდვაკე, ვარჯანული, კეჭიეთი, კობალაური, ოხტომი, ტყემაკარავი, ხინო;
- 20) ხალა - ხალა, გორგაძეები, ჩაქვისთავი;
- 21) ხუცუბანი - ხუცუბანი, ნაკაიძეები, ქვედა სამება.

2014 წლის მოსახლეობის საყოველთაო აღწერის შედეგების მიხედვით² მუნიციპალიტეტში 15-29 წლის 16 462 ახალგაზრდა ცხოვრობს.

ახალგაზრდების 39.3% (6 463) საქალაქო დასახლებაში ცხოვრობს:

სულ	საქალაქო დასახლება			სასოფლო დასახლება		
	ორივე სქესი	მამაკაცი	ქალი	ორივე სქესი	მამაკაცი	ქალი
16 462	6 463	3 277	3 186	9 999	5 253	4 746

ახალგაზრდების უმრავლესობა მამრობითი სქესის წარმომადგენელია და ისინი ახალგაზრდების 51.8%-ს შეადგენენ:

ასაკი	სულ		
	ორივე სქესი	მამაკაცი	ქალი
15-19	4 489	2 321	2 168
20-24	5 759	3 028	2 731
25-29	6 214	3 181	3 033
სულ	16 462	8 530	7 932

² საქართველოს სტატისტიკის ეროვნული სამსახური

3. პრინციპები

ადგილობრივი ახალგაზრდული პოლიტიკის ეფექტიანად განხორციელებისთვის და სტრატეგიაში გაწერილი მიზნების მიღწევისთვის აუცილებელია შემდეგი პრინციპების გათვალისწინება:

- ახალგაზრდების მონაწილეობა: ახალგაზრდებს აქვთ უფლება, მიიღონ მონაწილეობა იმ გადაწყვეტილებების მიღებაში, რომლებიც მათ ეხება. შეუძლებელია პოზიტიური ცვლილებების მიღწევა მათ გარეშე, ვისაც ეს ცვლილებები ეხება. სტრატეგიის ხედვა, მიზნები, ამოცანები და სამოქმედო გეგმა მუნიციპალიტეტში მცხოვრები ახალგაზრდების ჩართულობით შემუშავდა, რომ უზრუნველყოფილი ყოფილიყო მათი იდეებისა და უკუკავშირის გათვალისწინება დოკუმენტში. ახალგაზრდების ეფექტიანი მონაწილეობა გარანტირებულ იქნება სტრატეგიის განხორციელების, მონიტორინგისა და შეფასების პროცესებშიც;
- ახალგაზრდებისადმი კეთილგანწყობა: სტრატეგიის განხორციელებისას მხედველობაში იქნება მიღებული ის ფაქტი, რომ ახალგაზრდები, როგორც განვითარების, ისე კულტურის თვალსაზრისით, განსხვავდებიან ერთმანეთისგან და საზოგადოების სხვა ჯგუფებისაგან და მათთან ურთიერთობა უნდა დამყარდეს მათი ასაკის, შესაძლებლობებისა და ინტერესების გათვალისწინებით;
- პარტნიორობა და თანამშრომლობა: სტრატეგია შემუშავდა სხვადასხვა დაინტერესებულ მხარეებთან პარტნიორობისა და კონსულტაციების შედეგად. მათი აქტიური მონაწილეობა მხარდაჭერილ იქნება მისი განხორციელების შემდგომ ეტაპებშიც, ვინაიდან ახალგაზრდობის წინაშე არსებულ ბევრ გამოწვევათა და პრობლემათა დაძლევა შეუძლებელია მხოლოდ ხელისუფლების ადგილობრივი ორგანოების ძალისხმევით. სფეროში მოქმედი ყველა აქტორის ჩართულობა, მათ შორის თანამშრომლობის განვითარება და საქმიანობის კოორდინაციის ხელშეწყობა, ახალი კავშირების და პარტნიორობების დამყარება სტრატეგიის ერთ-ერთი სახელმძღვანელო პრინციპია;
- მტკიცებულებებზე დაფუძნებული მიდგომა: სტრატეგიასთან დაკავშირებული ყველა გადაწყვეტილების მიღება უნდა ხდებოდეს მტკიცებულებებზე დაფუძნებული მიდგომის გამოყენებით. ადგილობრივი ახალგაზრდული პოლიტიკა ექვემდებარება შემუშავებას, განხორციელებას, შეფასებასა და გადასინჯვას მაღალხარისხიანი კვლევითი სამუშაოების შედეგების საფუძველზე და იმ ახალგაზრდების შეხედულებებისა და გამოცდილების გათვალისწინებით, რომელთაც უშუალოდ ეხებათ ეს პოლიტიკა;
- თანაბარი ხელმისაწვდომობა: სტრატეგია უზრუნველყოფს, რომ ყველა ახალგაზრდა თანაბრად სარგებლობდეს იმ შესაძლებლობებით და სიკეთეებით, რაც უკვე არსებობს ან მომავალში შეიქმნება. განსაკუთრებული ყურადღება უნდა დაეთმოს

ახალგაზრდების არაორგანიზებული ჯგუფებისა და სპეციალური საჭიროების მქონე ახალგაზრდების მხარდაჭერასა და მონაწილეობას;

- გრძელვადიან შედეგებზე ორიენტირება: სტრატეგიისა და ადგილობრივი ახალგაზრდული პოლიტიკის ფარგლებში განხორციელებული ქმედებები ხელს უნდა უწყობდეს გრძელვადიანი და მდგრადი შედეგების მიღწევას, რაც გამოიხატება სხვადასხვა სისტემების, პლატფორმების, სინერგიების და სერვისების შექმნაში.

4. სტრატეგიის შემუშავების პროცესი

სტრატეგია მომზადდა ქობულეთის მუნიციპალიტეტის მერიისა და საქართველოს ახალგაზრდობის სააგენტოს შორის გაფორმებული ურთიერთანამშრომლობის მემორანდუმის საფუძველზე (იხ. დანართი 1) და მათი პარტნიორობის შედეგად, რომელიც შემდეგ გაფართოვდა და მოიცვა სხვა დაინტერესებული მხარეები.

სტრატეგიის შექმნის პროცესი მოიცავდა შემდეგ ეტაპებს:

- დაინტერესებული მხარეების იდენტიფიცირება და პარტნიორობის დამყარება;
- სახელმწიფო ახალგაზრდული პოლიტიკის და იმ არსებული სამთავრობო სტრატეგიებისა და პროგრამების ანალიზი, რომლებიც დაკავშირებულია ახალგაზრდობთან;
- ადგილობრივ დონეზე არსებული პროგრამების, რესურსებისა და სერვისების შესწავლა და სიტუაციური ანალიზი;
- ადამიანური რესურსების შესაძლებლობების გაძლიერება;
- ახალგაზრდობის კვლევა ქობულეთის მუნიციპალიტეტში, რომელიც ჩატარდა ახალგაზრდობის სააგენტოს ინიციატივით და ქობულეთის მუნიციპალიტეტის მერიის მხარდაჭერით და რომლის ფოკუსს წარმოადგენდა: ახალგაზრდების წინაშე მდგარი პრობლემებისა და გამოწვევების იდენტიფიცირება; ახალგაზრდების საჭიროებების შესწავლა და ახალგაზრდობისთვის არსებული შესაძლებლობების გამოვლენა (იხ. დანართი 2);
- ახალგაზრდობასთან დაკავშირებულ საკითხებზე ჩატარებული სხვადასხვა კვლევების ანალიზი;
- სამუშაო შეხვედრები სტრატეგიის პროექტის მომზადებისა და პრიორიტეტების იდენტიფიცირების მიზნით;
- სტრატეგიის პროექტის საჯარო განხილვები და დისკუსიები დოკუმენტის სრულყოფის მიზნით.

სტრატეგია ეფუძნება „2020-2030 წლებისთვის საქართველოს ახალგაზრდული პოლიტიკის კონცეფციას“ მუნიციპალიტეტში არსებული სპეციფიკისა და საჭიროებების გათვალისწინებით, ახალგაზრდობის სააგენტოსა და ქობულეთის მუნიციპალიტეტის მერიის მიერ განხორციელებულ კვლევას და უკვე არსებული მეორადი მონაცემების ანალიზს,

ახალგაზრდებთან და სხვა დაინტერესებულ მხარეებთან კონსულტაციის შედეგად შეგროვებულ ინფორმაციასა და იდეებს.

სტრატეგიის შემუშავების პროცესში გამოყენებული იყო ე.წ. „ლოგიკური ჩარჩოს მიდგომა“, რაც ითვალისწინებდა არსებული სიტუაციის ანალიზს და გამოწვევებისა და საჭიროებების იდენტიფიცირებას, ხოლო მათ საფუძველზე შესაბამისი მიზნების და ამოცანების განსაზღვრას და პრობლემების გადაჭრის გზების ჩამოყალიბებას.

სტრატეგია მოიცავს ხედვას, თუ როგორი უნდა იყოს ან შესაძლებელია, რომ იყოს ახალგაზრდობის მდგომარეობა მუნიციპალიტეტში; მიზნებს, რომელთაც ხელი უნდა შეუწყონ ხედვის განხორციელებას; თითოეული მიზნისთვის სტრატეგიაში გაწერილია ამოცანები და კონკრეტული ღონისძიებები - თითოეული ამოცანის მისაღწევად, რომლებიც შეადგენენ სამოქმედო გეგმას.

5. ხედვა

სტრატეგიის ხედვა ითვალისწინებს ისეთი ეკოსისტემის ჩამოყალიბების მხარდაჭერას, რომელიც ხელს უწყობს ახალგაზრდების ადამიანური და სოციალური კაპიტალის განვითარებას და სადაც ახალგაზრდებს აქვთ შესაძლებლობა, იყვნენ აქტიური მოქალაქეები და მონაწილეობდნენ საზოგადოებრივი ცხოვრების ყველა სფეროში და განახორციელონ საკუთარი იდეები და ინიციატივები.

6. სტრატეგიული მიზნები და ამოცანები

მიზანი 1. საზოგადოებრივ ცხოვრებაში ახალგაზრდების მონაწილეობა გაზრდილია

ახალგაზრდების მონაწილეობა და აქტიური მოქალაქეობა გულისხმობს, რომ მათ აქვთ უფლებები, საშუალებები, სივრცე და შესაძლებლობები, საჭიროების შემთხვევაში კი, მხარდაჭერა, რომ მონაწილეობა მიიღონ მათთან დაკავშირებული გადაწყვეტილებების მიღების პროცესში და შეეძლოთ მათზე ზეგავლენის მოხდენა და ჩართული იყვნენ ღონისძიებებში და აქტივობებში, რომ ხელი შეუწყონ უკეთესი საზოგადოების მშენებლობას³.

ახალგაზრდებს მრავალი ფორმით შეუძლიათ, მონაწილეობა მიიღონ ადგილობრივ ეკონომიკურ, პოლიტიკურ, კულტურულ და სოციალურ ცხოვრებაში. ამისთვის მნიშვნელოვანია, რომ ისინი ფლობდნენ სრულყოფილ, პროაქტიურ და რელევანტურ ინფორმაციას არსებული რესურსებისა და შესაძლებლობების შესახებ; მუდმივად ხდებოდეს მონაწილეობის ახალი და ინოვაციური გზების მოძიება; ყურადღება არ იქნას გადატანილი მხოლოდ ახალგაზრდების დიდი რაოდენობით მონაწილეობაზე, არამედ ფოკუსირება ხდებოდეს ისეთ გზებსა და საშუალებებზეც, რომლებიც ახალგაზრდების მონაწილეობის

³ ადგილობრივ და რეგიონულ ცხოვრებაში ახალგაზრდობის მონაწილეობის შესახებ განახლებული ევროპული ქარტია

უკეთეს ხარისხს უზრუნველყოფენ; და საჭიროების შემთხვევაში, ახალგაზრდები იღებდნენ ფინანსურ, მორალურ, ინსტიტუციონალურ და სხვა მხარდაჭერას.

ამოცანები:

- 1.1. ახალგაზრდების მონაწილეობა მათთან დაკავშირებული გადაწყვეტილებების მიღების პროცესში გაზრდილია;
- 1.2. მოხალისეობრივ საქმიანობაში ახალგაზრდების მონაწილეობა გაზრდილია;
- 1.3. მონაწილეობის შესაძლებლობების შესახებ ინფორმაციაზე ახალგაზრდების ხელმისაწვდომობა გაზრდილია;
- 1.4. დანერგილია ახალგაზრდული ორგანიზაციებისა და საინიციატივო ჯგუფების მხარდაჭერისა და გაძლიერების მექანიზმები.

მიზანი 2. ახალგაზრდული საქმიანობის განვითარება მხარდაჭერილია

ახალგაზრდული საქმიანობა წარმოადგენს საგანმანათლებლო საქმიანობას ახალგაზრდებთან და ახალგაზრდებისთვის, რომელიც ხორციელდება ფორმალური განათლების, ოჯახური და სამსახურებრივი კონტექსტის მიღმა და ხელს უწყობს ახალგაზრდების განვითარებას და კეთილდღეობას, საზოგადოებაში მათ აქტიურ მონაწილეობასა და ინტეგრაციას.

ახალგაზრდული საქმიანობა მოიცავს მრავალფეროვან აქტივობებს (სოციალური, კულტურული, საგანმანათლებლო, გარემოსდაცვითი და სხვ.), რომლებიც ახალგაზრდების მიერ, მათთან ერთად და მათთვის, ჯგუფურად ან ინდივიდუალურად ხორციელდება.

ახალგაზრდულ საქმიანობას 3 ძირითადი მახასიათებელი აქვს:

- ეფუძნება არაფორმალურ და ფორმალურს გარე სწავლების პროცესს, რომელიც ფოკუსირებულია ახალგაზრდებზე, პიროვნულ განვითარებაზე და ნებაყოფლობით მონაწილეობაზე;
- მიმდინარეობს იქ, სადაც ახალგაზრდები არიან;
- სწავლების პროცესში ახალგაზრდები და ახალგაზრდული მუშაკები პარტნიორები არიან.

ახალგაზრდული საქმიანობა ხორციელდება პროფესიონალი (ანაზღაურებადი) და მოხალისე ახალგაზრდული მუშაკების მიერ. ისინი ფლობენ შესაბამისს კვალიფიკაციას და კომპეტენციებს, რათა იმუშავონ განსხვავებული ინტერესებისა და საჭიროებების მქონე ახალგაზრდებთან ან მათ ჯგუფებთან. ახალგაზრდულ მუშაკებს აქვთ ძლიერი პროფესიული იდენტობა და მკაფიოდ განსაზღვრული მუშაობის სფერო შესაბამისი მიდგომებით.

ახალგაზრდული საქმიანობა ქმნის კომფორტულ, უსაფრთხო და სასიამოვნო გარემოს, რომელშიც ახალგაზრდებს შეუძლიათ გამოავლინონ საკუთარი შესაძლებლობები, ისწავლონ ერთმანეთისგან და განვითარდნენ. ახალგაზრდულ საქმიანობაში განსაკუთრებული მნიშვნელობა ენიჭება არაფორმალურ განათლებას. ახალგაზრდული საქმიანობა ავსებს ფორმალურ საგანმანათლებლო კონტექსტს (ოჯახი, სამსახური, სკოლა და ა.შ.) და სთავაზობს ახალგაზრდებს ხელშესახებ უპირატესობებს არაფორმალური და ფორმალურს გარე სწავლების მრავალფეროვანი შესაძლებლობებით და შესაბამისი მიზნობრივი მიდგომებით.

ამოცანები:

- 2.1. ახალგაზრდული სივრცეები შექმნილია;
- 2.2. შექმნილია და მოქმედებს ახალგაზრდული ინიციატივებისა და იდეების მხარდაჭერის მექანიზმები;
- 2.3. მხარდაჭერილია ახალგაზრდების საჭიროებებსა და ინტერესებზე მორგებული ახალგაზრდული საქმიანობის პროგრამების განხორციელება და გაზრდილია მათი ხელმისაწვდომობა.

მიზანი 3. ახალგაზრდების კეთილდღეობა, ჯანმრთელობა და ეკონომიკური გაძლიერება მხარდაჭერილია

ამოცანები:

- 3.1. ახალგაზრდებში ცხოვრების ჯანსაღი წესის დანერგვა ხელშეწყობილია;
- 3.2. რეპროდუქციული ჯანმრთელობის, ადრეული ქორწინებისა და მოზარდთა ორსულობის შესახებ ახალგაზრდების ინფორმირებულობის გაზრდა მხარდაჭერილია;
- 3.3. ახალგაზრდებში არაძალადობრივი და უსაფრთხო კულტურის ჩამოყალიბება ხელშეწყობილია, ხოლო ის ახალგაზრდები, რომლებიც ძალადობისა და არაადამიანური, დამამცირებელი და ღირსების შემლახავი მოპყრობის მსხვერპლნი არიან, უზრუნველყოფილი არიან მხარდაჭერით;
- 3.4. შეზღუდული შესაძლებლობების მქონე ახალგაზრდების და უმცირესობათა ჯფუგების წარმომადგენელი ახალგაზრდების მონაწილეობა მხარდაჭერილია;
- 3.5. ახალგაზრდების ინფორმირება ხელშეწყობილია დასაქმების შესაძლებლობების შესახებ;
- 3.6. ახალგაზრდები იღებენ დახმარებას დასაქმებისთვის საჭირო კომპეტენციებისა და პროფესიული განათლების მიღების მიზნით.

7. ლოგიკური ჩარჩო

მიზანი 1. საზოგადოებრივ ცხოვრებაში ახალგაზრდების მონაწილეობა გაზრდილია

მიზანი/ამოცანა	ვადა	შესრულების მაჩვენებელი / ინდიკატორი	საბაზისო მაჩვენებელი	საბოლოო მაჩვენებელი
მიზანი 1. საზოგადოებრივ ცხოვრებაში ახალგაზრდების მონაწილეობა გაზრდილია	2023	ა) ახალგაზრდების რაოდენობა, რომლებიც ფიქრობენ, რომ ახალგაზრდობის ინტერესები გათვალისწინებულია მუნიციპალიტეტის პოლიტიკის დღის წესრიგში (გათვალისწინებულია ან სრულად გათვალისწინებულია)	37.4% 4.3% (ახალგ. კვლევა 2020)	
	2023	ბ) ახალგაზრდების რაოდენობა, რომელთაც არ სურთ მუნიციპალიტეტიდან წასვლა	59.7% (ახალგ. კვლევა 2020)	
ამოცანა 1.1. ახალგაზრდების მონაწილეობა მათთან დაკავშირებული გადაწყვეტილებების მიღების პროცესში გაზრდილია	2023	ა) ახალგაზრდების რაოდენობა, რომლებიც გასული 12 თვის განმავლობაში ჩართული იყვნენ მუნიციპალიტეტში მათთან დაკავშირებულ საკითხებზე გადაწყვეტილების მიღების პროცესში (რამდენჯერმე მიიღეს მონაწილეობა ან ინტენსიურად იყვნენ ჩართული)	15.7% 7.6% (ახალგ. კვლევა 2020)	
	2023	ბ) ახალგაზრდების რაოდენობა, რომლებიც მათი მონაწილეობის ხარისხს მაღალ შეფასებას აძლევენ (აქტიურად იყვნენ ჩართული ან გავლენას ახდენდნენ გადაწყვეტილების მიღებაზე)	8.4% 3.3% (ახალგ. კვლევა 2020)	
	2022	შექმნილია და ფუნქციონირებს ახალგაზრდების	არ არსებობს	

		მონაწილეობს მუდმივმოქმედი და ინსტიტუციონალიზებული, მათ შორის ციფრული, მონაწილეობის მექანიზმები		
ამოცანა 1.2. მოხალისეობრივ საქმიანობაში ახალგაზრდების მონაწილეობა გაზრდილია	2023	ახალგაზრდების რაოდენობა, რომელთაც გასული 12 თვის განმავლობაში მონაწილეობა მიიღეს მოხალისეობრივ აქტივობებში საქართველოში ან/და საზღვარგარეთ	30.6% (ახალგ. კვლევა 2020)	
	2023	ახალგაზრდების რაოდენობა, რომლებიც მალალი სიხშირით იყვნენ დაკავებული მოხალისეობრივი საქმიანობით ბოლო 12 თვის განმავლობაში (კვირაში ერთხელ ან თვეში რამდენჯერმე)	18.6% 22.1% (ახალგ. კვლევა 2020)	
ამოცანა 1.3. მონაწილეობის შესაძლებლობების შესახებ ინფორმაციაზე ახალგაზრდების ხელმისაწვდომობა გაზრდილია	2022	შექმნილია და ფუნქციონირებს პროაქტიური საინფორმაციო პლატფორმა მონაწილეობის შესაძლებლობების შესახებ	არ არსებობს	
ამოცანა 1.4. ახალგაზრდული ორგანიზაციებისა და საინიციატივო ჯგუფების მხარდაჭერა და გაძლიერება	2023	დანერგულია მუდმივმოქმედი, კონკურენტული და თანაბრად ხელმისაწვდომი მექანიზმი, რომელიც მხარს უჭერს ახალგაზრდულ ორგანიზაციებსა და საინიციატივო ჯგუფებს ისეთი საქმიანობის განხორციელებაში, რომელიც შესაბამისობაშია და ხელს უწყობს სტრატეგიის მიზნების მიღწევას	არ არსებობს	

მიზანი 2. ახალგაზრდული საქმიანობის განვითარება მხარდაჭერილია

მიზანი/ამოცანა	ვადა	შესრულების მაჩვენებელი / ინდიკატორი	საბაზისო მაჩვენებელი	საბოლოო მაჩვენებელი
მიზანი 2. ახალგაზრდული საქმიანობის განვითარება მხარდაჭერილია	2023	ახალგაზრდების რაოდენობა, რომლებიც ჩართული არიან ახალგაზრდულ საქმიანობაში	უცნობია	
ამოცანა 2.1. ახალგაზრდული სივრცეები შექმნილია	2023	გახსნილია და ფუნქციონირებს დამატებით 3 ახალგაზრდული სივრცე მუნიციპალიტეტის 3 სხვადასხვა ადმინსიტრაციულ ერთეულში	1	4
ამოცანა 2.2. შექმნილია და მოქმედებს ახალგაზრდული ინიციატივებისა და იდეების მხარდაჭერის მექანიზმები	2023	ა) ახალგაზრდების რაოდენობა, რომელთაც მიუმართავთ მუნიციპალიტეტისთვის რაიმე სახის ინიციატივის /პროექტის განსახორციელებლად	20.9% (ახალგ. კვლევა 2020)	
	2023	ბ) ახალგაზრდების რაოდენობა, რომლებიც კმაყოფილი არიან მუნიციპალიტეტის დახმარებით (ძალიან კმაყოფილი ან კმაყოფილი)	11.7% 46.8% (ახალგ. კვლევა 2020)	
ამოცანა 2.3. მხარდაჭერილია ახალგაზრდების საჭიროებებსა და ინტერესებზე მორგებული ახალგაზრდული საქმიანობის პროგრამების განხორციელება და გაზრდილია მათი ხელმისაწვდომობა	2023	ა) სერტიფიცირებული ახალგაზრდული მუშაკების რაოდენობა	0	
	2023	ბ) ახალგაზრდების რაოდენობა, რომელთაც მონაწილეობა მიიღეს მუნიციპალიტეტის მიერ ორგანიზებულ ახალგაზრდულ პროგრამებში (რეგულარულად ან რამდენჯერმე)	7.3% 34.7% (ახალგ. კვლევა 2020)	

	2023	გ) ახალგაზრდების რაოდენობა, რომლებიც მაღალ შეფასებას აძლევენ ამ აქტივობების ხარისხს (ძალიან დადებითად ან დადებითად)	11.5% 67.8% (ახალგ. კვლევა 2020)	
	2023	შექმნილია მექანიზმები, რომლითაც ახალგაზრდული საქმიანობის პროგრამების დაგეგმვა და მხარდაჭერა ხორციელდება ახალგაზრდების ინტერესებისა და საჭიროებების მოკვლევის შესაბამისად, ორიენტირებულია სასოფლო დასახლებებში მცხოვრებ და მოწყვლად ახალგაზრდებზე	არ არსებობს	

მიზანი 3. ახალგაზრდების კეთილდღეობა, ჯანმრთელობა და ეკონომიკური გაძლიერება მხარდაჭერილია

მიზანი/ამოცანა	ვადა	შესრულების მაჩვენებელი / ინდიკატორი	საბაზისო მაჩვენებელი	საბოლოო მაჩვენებელი
მიზანი 3. ახალგაზრდების კეთილდღეობა, ჯანმრთელობა და ეკონომიკური გაძლიერება მხარდაჭერილია	2023	ა) დასაქმებული ახალგაზრდების რაოდენობა	43.4% (ახალგ. კვლევა 2020)	
	2023	ბ) სიღარიბეში და სიღარიბის ზღვართან მცხოვრები ახალგაზრდების რაოდენობა	1 322 (ქობ. მუნიც. 2020)	
	2023	გ) ძალადობის მსხვერპლი ახალგაზრდების რაოდენობა და ახალგაზრდების რაოდენობა, რომელთაც ძალადობის აქტი ჩაიდინეს		

	2023	დ) სუიციდის (სუიციდის მცდელობები და განხორციელებული სუიციდი) შემთხვევები ახალგაზრდებში		
	2023	ე) ახალგაზრდების რაოდენობა, რომლებიც კაცებსა და ქალებს შორის თანასწორუფლებიანობის უზრუნველყოფას პრობლემურად ან ძალიან პრობლემად აფასებენ	57.7% (ახალგ. კვლევა 2020)	
ამოცანა 3.1. ახალგაზრდებში ცხოვრების ჯანსაღი წესის დანერგვა ხელშეწყობილია	2023	ახალგაზრდების რაოდენობა, რომლებიც რეგულარულად ვარჯიშობენ, დაკავებული არიან სპორტით ან სხვა ფიზიკური აქტივობებით (თითქმის ყოველდღე ან კვირაში 2-3-ჯერ)	58.3% (ახალგ. კვლევა 2020)	
ამოცანა 3.2. რეპროდუქციული ჯანმრთელობის, ადრეული ქორწინებისა და მოზარდთა ორსულობის შესახებ ახალგაზრდების ინფორმირებულობის გაზრდა მხარდაჭერილია	2023	ა) აივ/შიდსის ახალი შემთხვევები		
	2023	ბ) მოზარდთა შობადობის მაჩვენებელი		
	2023	გ) ადრეული ქორწინების შემთხვევები		
ამოცანა 3.3. ახალგაზრდებში არამალადობრივი და უსაფრთხო კულტურის ჩამოყალიბება ხელშეწყობილია, ხოლო ის ახალგაზრდები, რომლებიც ძალადობისა და არაადამიანური, დამამცირებელი და ღირსების შემლახავი მოპყრობის მსხვერპლნი არიან,	2023	ა) ახალგაზრდების რაოდენობა, რომლებიც უმცირესობათა უფლებების დაცვას პრობლემურად ან ძალიან პრობლემად აფასებენ	53.4% (ახალგ. კვლევა 2020)	
	2023	ბ) ახალგაზრდების რაოდენობა, რომლებიც ძალადობის პრევენციას ძალიან პრობლემურად ან პრობლემურად აფასებენ	46.1% (ახალგ. კვლევა 2020)	

უზრუნველყოფილი არიან მხარდაჭერით	2023	გ) ახალგაზრდების რაოდენობა, რომლებიც ადაპტირებულ გარემოს ძალიან პრობლემურად ან პრობლემურად აფასებენ	52.3% (ახალგ. კვლევა 2020)	
	2023	დ) ოჯახში ძალადობის შემთხვევები, რომლებიც ახალგაზრდებმა ჩაიდინეს ან ახალგაზრდები იყვნენ მსხვერპლი		
	2023	ე) ახალგაზრდების მიერ ჩადენილი სისხლის სამართლის დანაშაულებების რაოდენობა		
ამოცანა 3.6. ახალგაზრდები იღებენ დახმარებას დასაქმებისთვის საჭირო კომპეტენციებისა და პროფესიული განათლების მიღების მიზნით	2023	ა) ახალგაზრდების რაოდენობა, რომლებიც პროფესიულ განათლებაზე ხელმისაწვდომობას ძალიან პრობლემურად ან პრობლემურად აფასებენ	58.3% (ახალგ. კვლევა 2020)	
	2023	ბ) ახალგაზრდების რაოდენობა, რომლებიც არ არიან დასაქმებული, მაგრამ ეძებენ სამუშაოს	43.4%	

8. განხორციელება, მონიტორინგი და შეფასება

სტრატეგიის განხორციელების მთავარი ინსტრუმენტი იქნება სამოქმედო გეგმა. ის მოიცავს კონკრეტულ და დროში გაწერილ აქტივობებს, რომლებიც ამოცანებისა და მიზნების შესრულებას უზრუნველყოფს და სტრატეგიის განუყოფელ ნაწილს წარმოადგენს. სამოქმედო გეგმით გათვალისწინებული აქტივობების დაფინანსების მოცულობის საკითხი ყოველიურად მუნიციპალიტეტის ორგანოების მსჯელობისა და დამტკიცების საგანი იქნება.

მუნიციპალური სამსახურები და ორგანიზაციები პასუხისმგებელი არიან სტრატეგიის განხორციელებაზე მათი საქმიანობისა და კომპეტენციის სფეროების მიხედვით. ისინი გაითვალისწინებენ, რომ მათ მიერ განხორციელებული პროგრამები, სერვისები და

აქტივობები შესაბამისობაში იყოს სტრატეგიასთან იმ შემთხვევებშიც კი, თუ ისინი არაა მითითებული სტრატეგიაში.

ახალგაზრდობის წინაშე არსებულ ბევრ გამოწვევათა დაძლევა შეუძლებელია მხოლოდ ერთი სექტორის, თუნდაც ხელისუფლების ადგილობრივ ორგანოების ძალისხმევით. ადგილობრივი თვითმმართველობის ძალისხმევის პარალელურად, უმნიშვნელოვანესია, ასევე, სხვა სექტორის მხარდაჭერაც. სხვა მნიშვნელოვანი აქტორები, რომელთაც შეუძლიათ მხარი დაუჭირონ სტრატეგიის განხორციელებას, არიან: საქართველოს მთავრობა და შესაბამისი სამინისტროები, ახალგაზრდული ორგანიზაციები და არასამთავრობო ორგანიზაციები, რომლებიც ახალგაზრდების განვითარებასთან დაკავშირებულ საკითხებზე მუშაობენ, საერთაშორისო და დონორი ორგანიზაციები, ბიზნესი, მედია და მკვლევარები.

სტრატეგია მიზნად ისახავს, რომ უზრუნველყოს ყველა დაინტერესებული პირის ჩართვა სტრატეგიის განხორციელების, მონიტორინგისა და შეფასების პროცესში.

მუნიციპალიტეტი განახორციელებს სტრატეგიის მუდმივ მონიტორინგსა და შეფასებას ახალგაზრდებთან და დაინტერესებულ მხარეებთან პარტნიორობით. ამ მიზნით რეგულარულად შეგროვდება სარწმუნო მონაცემები როგორც ბენეფიციარებიდან, ასევე აქტივობების განხორციელებაზე პასუხისმგებელი ორგანიზაციებიდან და ჩატარდება შესაბამისი კვლევები. კვლევისა და მონაცემების ანალიზის საფუძველზე მოხდება სტრატეგიის გადახედვა, ადაპტირება და სრულყოფა, რომ უზრუნველყოფილი იყოს მაქსიმალური შედეგების მიღწევა. ამ პროცესში ყველა ეტაპზე ჩართული იქნებიან როგორც ახალგაზრდები, ასევე სხვა დაინტერესებული მხარეები.

მონიტორინგისა და შეფასების პროცესი მოიცავს რამდენიმე ეტაპს:

- ყოველი წლის დეკემბერში მუნიციპალიტეტი გამოაქვეყნებს სამოქმედო გეგმის წლიურ ანგარიშს. ის დაეფუძნება კვლევას და შეაფასებს სტრატეგიის განხორციელების შედეგად მიღწეულ პროგრესს. ანგარიშში ასახული იქნება განხორციელებული აქტივობები, მომავალი წლის გეგმები და შესაძლებლობები, გამოვლენილი დაბრკოლებები და მათი გადაჭრის გზები. ანგარიშის საფუძველზე, საჭიროების შემთხვევაში, სტრატეგიაში შევა ცვლილებები და დამატებები - სარწმუნო მონაცემების, მათი ანალიზისა და მიღებული გამოცდილების შედეგად დაინერგება ახალი აქტივობები და მიდგომები და გაუმჯობესდება მიმდინარე. ამ გზით სტრატეგია მოქნილი იქნება ახალგაზრდების საჭიროებებისა და პრობლემების მიმართ, უზრუნველყოფს მათთან გამკლავებას ეფექტიანად და გაითვალისწინებს ახლად წარმოჩენილ საკითხებს;
- 3-წლიანი ვადის ამოწურვის შემდეგ განხორციელდება სტრატეგიის საბოლოო შეფასება კვლევის საფუძველზე. ანგარიში შეაჯამებს სტრატეგიის განხორციელების წარამტებას მისი ხედვისა და მიზნების შესაბამისად. საბოლოო შეფასებაზე დაყრდნობით მოხდება ახალი დოკუმენტის შემუშავება და მიღება.

სტრატეგიის განხორციელების ამსახველი ანგარიშები განსახილველად წარედგინება საკრებულოს. გარდა ამისა, მუნიციპალიტეტი უზრუნველყოფს, რომ მონიტორინგისა და შეფასების შედეგები გამოქვეყნდეს და ხელმისაწვდომი იყოს, მოხდეს მათი საჯარო განხილვა ახალგაზრდებისა და დაინტერესებული მხარეების მონაწილეობით.